

Inatsisartut suleriaasianni § 37 imm.1. naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisut apeqqut:

- 1. Naalakkersuisut, Danmark-imilu Naalakkersuisut, 10. September 2018-imi isumaqatigiissutaasa ilassutitut isumaqatigiissutaat naapertorlugu ”Isumaqatigiissutigineqarput ingerlatseqatigiiffip nutaap ileqqoreqquassai, ataatsimut pigineqatigiissutit aqunneqarnissaannik piginnittunut isumaqatigiissut kiisalu allagaatit tunngaviusut”, Naalakkersuisut siunissami qaninnerusumi tamassumap imarisaanut pisortatigoortumik saqqummiussaqaassappat? Tamassuma saniatigut imarisaanut attuumasunik allanik, isumaqatigiissutissanilluunniit allanik, siunissaq qanittumi saqqummiunneqartussaqaarpat piffissalikkamik Naalakkersuisut nalunaarnissaannut peqquneqarput.**
- 2. Naalakkersuisut Siulittaasuata mittarfissuit pillugit suliaq, piviusut akerlianik, tunuliaquteqarluarneraalluni amerlanerussuteqangaatsiartut akuersissutigineqartut suliaassanngortinneqarsimaneranik oqariartuuteqarpoq. Taamaakkaluartoq sooruna isumaqatigiissutit, isumaqatigiissutissatulluunniit pilersaarutigineqartut imarisaat ammasumik saqqummiunneqanngisaannartut? Mittarfiit assortuussutaasut pillugit, isumaqatigiissutinik inuiaqatigiinnut ammasumik Naalakkersuisut saqqummiussaqaarnikuusimagunik, qinnuigineqarput taakkunangga takussutissartalimmik ersarissaassasut.**

(Inatsisartunut ilaasortaq, Pele Broberg, Partii Naleraq)

Tunngavilersuut:

Nunatta oqaluttuarisaanerani pisortanut suliaqkiissut annerpaaq aammaarluni isertuunneqalerpoq. Innuttaasut ilisimasariaqarpat Naalakkersuisut siulittaasuat qanoq isumaqatigiissusiorsimansoq, uani pineqarlutik isumaqatigiissutip imaa.

Isumaqaraanni suliaq tassaasoq pitsaanerpaaq sooruna taava tanngassimaarutaasoq takutinneqarumangitsoq, inuiaqatigiit toqqissisimajunnaarnissaat pissutigalugu isertuussiinnassanerpat?

Apeqqutit ullut suliffiusut qulit (10) iluanni akineqarnissaat piumasaqaatigaara.

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536